



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. V. Cap. 2. 4. 16. de Præb.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Confessiones audiendi, aut sepeliendi cadavera in Ecclesiâ, aut de licentia absentia, aut Sacraenta administrandi, aut in Beneficiis ministrandi, aut celebranda Missâ aut stipem pro pauperibus colligendi, aut publicandi Nomina eorum, qui Tonfuram, vel Ordines Minores, vel Ordines Sacros accepturi sunt. In his omnibus casibus Congregatio vetat aliquid accipi, sub obtentu vel laboris, aut sigilli, aut scripturæ, vel aliquâlibet specie.

Capitulum quoddam Hispanicum, ob plurimas Episcopi exactiones conquestum erat in supplicatione Congregationi oblata memoratas; quædam erat circa licentiam duas Missas eadem die celebrandi: mirum hoc visum fuit Congregationi, quæ contendebat, hanc licentiam ab Episcopo concedi non posse; sed cum Episcopus objecisset Cap. 3. de celebrat. Missar. quod supponit, hoc in casu necessitatibus licere, Congregatio prohibitionem suam revocavit, quod ceteros casus aliquid accipere permittens pro rata laboris, sub legibus supra notatis prohibet ultrâ Aureum accipi, quod confectionem Instrumentorum Collationis aut Institutionis Parochiarum, & Deputationis Vicariorum in iisdem. In fine Epistolæ, quam Congregatio ad Episcopum scribit, ut illi Statuti sui copiam faciat, dicit, se sperare, fore, ut eò magis illi suis Decisionibus adhæreat, quod ab avaritiâ abhorrire debent Pralati. Alia Congregatio pluribus in Capitibus Declarationes Congregationis Concilii interpretis sequitur, aut ad Concilium remittit. In ceteris illa vel jubet, ut Instrumenta gratis conficiantur, aut definit id, quod accipi potest.

Capitulum Gerundense huic Congregationi 18. causis in querelâ suâ exposuerat adversus exactiones Episcopi. 1. 2. 5. 6. 7. 8. 12. 15. & 16. deciduntur aut à Concilio, aut à Congregatione Concilii interprete.

4. Spectat licentiam bis eodem die Sacrum celebrandi, circa quam eam dari prohibet, præter aliquot casus necessitatis, qui rari sunt, itemque eam dari per modum privilegii ulli sacerdoti, & aliquid pro illâ exigi aut accipi.

In 8. agitur de exactione quoad executionem dispensationum Matrimonii, gratis eam fieri jubet Congregatio, permittens solum Notario quartam Aurei partem aut Ducati accipere pro Testium auditione.

10. Spectat licentiam Sacerdotum in Ecclesiâ contra Dioceses aut Provincias Statuta hoc prohibentia, sepeliendorum; jubet Congregatio custodiri hæc Statuta, & si qui sint dispensationis casus, eam gratuitò concedat Episcopus, aut si aliquid exigat, id pauperibus aut Ecclesiæ erogetur.

In 11. Congregatio permittit, in casibus necessitatis dispensari a solennitatibus Matrimonii non substantiâlibus vetans ob id aliquid, etiam à Notario, exigi; concedit tamen, ut, si consuetudo ferat munulculum Episcopo in letitiae signum offerri, illa observetur.

12. Docet, Episcopum præfatum extendisse ad Beneficiatos sua ad Episcopatum promotioni posteriores, jus à consuetudine ipsi attributum in Beneficiatos actu, promotionis ejus tempore, cum licentiam in possessionem veniendo illis non concessisset, priusquam jus illud solutum fuisset. Congregatio extensionem hanc reprobat, velut contrariam Cap. 4. Sess. XXIV. quod vetat aliquid exigi ob possessionis adeptionem.

Ex 13. discimus, illum sibi vindicavisse Annatam Beneficiorum, quæ erigebat, cui tamen renuntiavit.

E 18. eum impedivisse, ne ullus in alterius Beneficio ministraret sine sua permissione, pecuniamque ob hanc permissionem exigisse; Congregatio declarat, quod in casibus, in quibus Beneficiatus legitimo impedimento implicatur, ceteri à ministrando ejus vice non sunt prohibendi, multò minus exigi debebare pecuniam ob licentiam non necessariam.

Congregatio responsum suum claudit, optando, ut Episcopus ejusque Ministri ab omni exactione in-

soluta, aut immoderata, abstineant. FAGNANUS adjectit, Simoniam, quam admittit Notarius, qui ultrâ licitum accipit, esse mere Ecclesiasticam; scilicet, inquit, Concilium ipsi non concessisset accipere quantitatem à se definitam.

Paululum circa hanc Fagnani interpretationem immorari sumus, quia quotidianum est & familiare negotium, ibique inspicitur damnatio pravorum usum, qui in omni ferè Secretariâ obtinet, circâ Litteras Ordinationis, Provisiones Beneficiales, aliosve Actus, qui ibi conficiuntur.

C A P U T V.

Cap. 2. 4. 16. de Præb.

FAGNANUS in hac Capita exponit Cap. 2. Sess. XXI. Concilii Tridentini. Cap. 2. prohibet Episcopo Clericos ordinare, absque alimentorum assignatione. Cum Clerici nomen iis, qui ad Minores Ordines promoti sunt, atque iis, qui ad Ordines Majores evicti sunt, commune sit, hæc expressio generalis questionem pepererat, utrum Episcopus teneretur alere Clericos, quibus Ordines Minores dederat, quosque alicujus Ecclesiæ servitio non alligaverat? Multi autem Canonistæ insignes olim arbitrari sunt, ejusmodi Clericos habere jus alimenta ab Episcopo petendi, & hunc ad ea præstanda teneri, ex obligatione, quam eos ordinando suscepereat: aliis contraria opinio placebat: partis utriusque momenta refert FAGNANUS, posteriore que eligendo, dicit, questionem hodiæ compositam esse à Concilio Tridentino Cap. 2. laudato, quod jus illud iis duntaxat concedit, qui ad Sacros Ordines promoti sunt.

Cap. 4. jus hoc nominatum iis tantum attribuit, qui ad Diaconatum aut Sacerdotium promoti sunt, sine Titulo, unde victum quærere possint. Textus hic desumptus est è C. 3. Concil. Lateran. an. 1179. & cum nihil de Subdiaconis dicat, Canonistæ veteres questionem agitaverunt, an comprehendendi deberent ob rationis paritatem? Relatis FAGNANUS Autorum dictis in hanc rem addit, questionem esse finitam laudato Concilii Tridentini Capite, quod Subdiaconatum sub Ordinis Sacri nomine comprehendit, quo multis ex facultis fruuntur, & Episcopum astringit, ad alendos eos, quibus Ordines Sacros dedit, aut sufficiens Beneficium eis conferendum, nec, ut sibi constaret, curavit inquirere, utrum Beneficium patrimonium unum hoc Textu requisitum haberent.

Deinde tres refert questiones Congregationi Concilii interpres à Congregatione de bono regimine propositas. 1. si is, qui sub Titulo Beneficii ordinatus fuit, illud resignaverit, exponendo, sibi aliundè bona competere, à quibus victum accipere possit, utrum universum ejus Patrimonium acquirat privilegia Patrimonialis Tituli, an verò pars tantum, & quænam illa sit? & postquam observavit, bona Patrimonialis Clericorum, iisdem, quibus bona Ecclesiastica, privilegiis non gaudere, sed iis tantum, que in Jure expressa sunt; Titulum verò Patrimoniale omnibus Ecclesiasticorum bonorum immunitatibus frui, etiam extrâ casus in Jure expressos, & quædam discrimina commemoravit inter bona Patrimonialis & bona Ecclesiastica, retulique privilegia Tituli Patrimonialis; ad questionem respondet, in proposito casu bona resignantis succedere Titulu Beneficii, quoad partem ejus sustentationi necessariam, &, quoad hanc partem, acquirere privilegia Tituli Patrimonialis, quamvis in Titulum assignata non fuerit ab Episcopo, sed à Jure tantum, quod hoc in casu bona Patrimonialis resignantis in ejus Beneficii locum substituendo, ipsa in Titulum Patrimoniale convertit, quoad partem quæ ad Ordinationem requisita fuisset, nisi Beneficium habuisset; quia, inquit, nisi fieret hæc subrogatio, sufficienter non providisset Concilium incommodo Ordinationum absque Titulo, Cleri scilicet de

ds

decorati, ex mendicitate Clericorum sine Titulo ordinatorum, aut ab exercitio Ministerii, Officii, vilisque professionis provenienti.

2. Quæstio est, si Clericus sub Titulo patrimonii ordinatus Beneficium acquisierit, an ejusmodi Titulus immunitates suas amittat? Et negando respondebit, quia Beneficium in hujus Tituli locum non subrogatur, nihil magis quam bona patrimonialia, que post Ordinationem acquirit. Plura Congregationis Decreta laudat, huic subrogationi repugnania, sive quia ferunt, Beneficium sic acquisitum resignari posse, ipsum Tituli Ordinationis vices gerere, non factâ mentione, sive quia decidunt, patrimonium post acquisitionem Beneficij alienari nihil omagis posse, quam antea sine licentia Episcopi.

3. Quæstio est, an, positò quod Titulus patrimonialis immunitatem ab oneribus Camera amiserit acquisitione Beneficij, eam recuperet demissionem ejusdem Beneficij? Respondet FAGNANUS privilegium amissum non redintegrari, pluribusque allatis probationibus, agnoscit sententiam suam difficultatem pati. Videretur quod, cum acquisitione Beneficij cetera Tituli patrimonialis privilegia non extinguat, illud de quo agitur, post demissionem reviviscere debeat, positò quod illud Beneficij possesso pemerit.

Cap. 16. Quod est INNOCENTII III. supponit Subdiaconos sine Titulo ordinatos, petendorum alimenterorum aut Beneficij sufficientis ab Episcopo Diocesano jus habere; præcipit enim Episcopo Zanorense, ut tale Beneficium ejusmodi Clerico conferat: supponit etiam successorem, quoad hoc, teneri debito à prædecessore contrâ; nam Subdiaconus de quo loquitur, à prædecessore ejus, quem ad suppedita alimenta cogit, ordinatus fuerat.

Idem Caput nominatim veteribus Canonibus derogat, qui ejusmodi Ordinationem sine Titulo irritant fore statuerant, exercitio Ordinum privando eos, qui sic illos acceperant, eisque Ordinationis pœnas redigit ad obligationem aut aliendi Clerici sic Ordinati, quam Ordinatori imponit, aut ei conferrendi Beneficij sufficientis. *Cap. 4.* ab ALEXANDRO III. desumptum hanc emendationem inchoaverat, sed non verbis expressis; INNOCENTIUS III. eam hoc in *cap. 16.* sibi tribuit, quia primus eam disertè proposuit. Ex horum duorum Textuum fundamento FAGNANUS hinc exponens clausulam finitam *cap. 2.* SESS. XXI. contendit, Concilium Tridentinum aliam adversus Ordinationes absque Titulo pœnam non sancire, quam eam, quæ diserte in his Textibus fertur, idque probat non solum Declarationibus expressis Congregationis Concilii interpretis, verum etiam momento vietrici; scilicet, antiqui Canones, quos innovat Concilium antiquorum Canonum pœnas innovando, alii non sunt, quam *Cap. 1. 2. DIST. LXX. cap. 2. 4. 16. de Præb.* Duo priores Canones duplēcē tantum pœnam continebant, nempe, suspensionem ab Ordinibus eo modo receperitis, & damnationem Episcopi, ad præstanta Clericis absque Titulo ordinatis alimenta; ex his duabus ponis, prima antiquata est *cap. 2. 4. 16. de Præb.* itaque antiquorum Canonum pœnas innovando. Innovatio cadit tantum in alteram, quæ abrogata non erat.

Postquam monuit, Constitutionem SIXTI V. quæ suspensionem adversus Ordinationes sine Titulo restituerat, quoad hoc caput, à Constitutione CLEMENTIS VIII. fuisse emendatam; questionem agitat, an Clerici delinquentes quatenus Ordinationem suam sub falsis Titulis impetrantes, hanc suspensionem hodiè incurvant? Et respondet affirmativè, asserendo eam, quoad ejusmodi Clericos, nunquam fuisse abrogatam. Contrà objici potest *Cap. 2.* SESS. XXI. fraudem hanc momentis Decreti annumerare, quod deinceps proponit, & in quo secundam sancit pœnam, scilicet, damnationem Episcopi ad exhibendos Cle-

ricos sine Titulo ordinatos, qui variis artibus ac fallaciis configunt se Beneficium Ecclesiasticum, ant idoneas facultates obtinere.

Huic autem objectioni alia responsio nobis non occurrit, nisi, quod si Episcopus omnem diligentiam, quâ uti potuit, aut debuit, adhibuerit ad vitandum errorem, Clerici, qui sub falsis Titulis ordinati fuere, soli deliquerunt, solique pœnam merentur, quo in casu locum habere potest suspensio; præsumendum enim est, Canones, qui suspensionem abrogavere, id in Clericorum innocentium gratiam fecisse. Contra, si Episcopus cautionem necessariam neglexit, in delictum cecidit, atque incurrit pœnam aliendi Clericos sub falsis Titulis ordinatos; nam Concilium eos diserte obligat, ut id sedulò caveant.

Objici etiam posset *Canonem 1.* qui suspensionem de quâ agitur sancit, eam nominatim ferre in injuriam Ordinanrum, ceterosque Textus, quoad hoc caput, ejus dispositionem fuisse executo; itaque, Clerici, qui ordinationem suam sub falsis Titulis impetrant, non comprehenduntur in his Canonibus, & proindè, pœna in iis latè non sunt obnoxii, quamvis pœnam mereantur. *Canon* hic è Concilio Calcedonensi desumptus est, & primus est *DIST. LXX.* laudata.

Hæc objectio non destruit responsonem præcedentem: nihil præcisè dicitur, nisi Clericos ejusmodi suspensionem mereri, & in ea sententia perseveramus.

CAPUT VI.

Caput 3. de Clericis non residentibus.

FAGNANUS in hunc Textum exponit *cap. 3. SESS. XXI. & cap. 3. SESS. XXII.* quæ spectant Residentiam, Officium, & distributiones quarundam Dignitatum. Item *cap. 12. SESS. XXIV. 2. §. præterea*, circâ eamdem distributionem versans; primum observat, has Dignitates esse diversi generis, tûm earum discrimina aggreditur. Primum est, quod in eis, de quibus primum eorum capitum agit; demptio tertiae partis fructum in distributiones convertenda, non præcipitur, nisi ubi nullæ sunt distributiones, aut ita exiguae sunt, ut negligenda forent; atque in ceteris demptio toties fieri debet, quoties tercia redditum pars non absuntur in distributionibus. Secundum est, quod distributiones, quas earum Dignitatum possessores non lucrantur, presentibus adhærescant, amissa vero à ceteris Dignitariis, distributiones Fabricæ, aliove loco pio dande sunt, quod fit, inquit, ex eo, quod priorum redditus ē Mensa communis detrahantur, ideoque jus absentium presentibus accrescere debet; redditus vero posteriorum ē fundis peculiaribus & distinctis nascitur, in quibus proindè non est accretionis locus.

Tertium est, quod in prioribus Episcopos ad demptionem procedat, non obstante quacumque appellatione, in ceteris vero executionem suspendat appellatio.

Quartum est, quoad priores, triens demptum in distributiones quotidianas, dividi debet, quas Dignitarii aliqui Officio assistentes partientur inter se, juxta divisionem, quæ constituetur ab Episcopo; triens autem à ceteris deducunt, ad Episcopi voluntatem dividi debet, ut, si Dignitarii Ministerium congruum sibi assignatum non peragant, singulis diebus præfinitis, diei in quâ deficiunt, distributiones amittant; unde fit, ut Concilium in hoc *cap. 3. SESS. XXII.* nec loquatur de quotidianis distributionibus nec de assistentiâ ad Horas Canonicas, verum jubeat tantum assignare Ministerium congruum ac speciale.

Quintum est, quod prioris generis Dignitates novem Mensium Ministerio adstringantur, ceteræ non teneantur, nisi ad dies, qui ad eorum Ministerium constituendi sunt. vid. n. 19. usque ad 20.

CAPUT